



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 561 Usque Ad Annum 633

Fleury, Claude

August. Vind. [u.a.], 1759

VD18 90117832

§.14. Concilium Parisiense.

[urn:nbn:de:hbz:466:1-66072](https://nbn-resolving.org/urn:nbn:de:hbz:466:1-66072)

Sæculum VII centos Cassianus observaverat, in Ægypto conservabatur.

A. C. 614.

§. XIV.

Concilium Parisiense.

To. 5. Conc.
p. 1649.

c. 2.

c. 3.

c. 4.

Anno eodem, quo Jerosolyma capta, nimirum 614. Parisiis Synodus omnium Provinciarum Galliae nuper sub Rege Clotario unitarum celebrata est. Episcopi Regis mandato congregati quindecim Canones condiderunt, quorum primus præcipit, ut in locum Episcopi defuncti ille ordinetur, quem Metropolita cum suis Suffraganeis, Clerici, & illius Civitatis Populus gratis elegerint. Si vel alicujus potentia vel negligentia aliter factum fuerit, nulla sit Electio. Hic Canon illuc præcipue collineat, ut potestas Regum, quam in Electione Episcoporum usurpabant, coerceretur. Nullus Episcopus Successorem sibi eligat. Nemo in Sedem viventis collocari affectet, nisi casu existente, quo Ecclesiae suae amplius præesse non posset, ut si in morbum insanabilem inciderit, aut ob admissum crimen depositus fuerit. Nullus Clericorum ad Principem vel alium Virum potentem contempto Episcopo confugiat. Nullus Judex Clericum sine consensu sui Episcopi puniat, vel condemnet.

Mortuo Episcopo, Presbytero, aut alio Clerico nemo neque ex Principis

Mag-

Mandato, neque Judicis Auctoritate Bo-
na Ecclesiæ aut ipsorum propria occupet,
sed ab Archidiacono & Clericis custo-
diantur, donec cognitum fuerit, quid
de illis defunctus decreverit. Aliunde
prohibitum est, ne Episcopus aut Archi-
diaconus post obitum Abbatis, Presby-
teri, vel alterius Clerici Titularis, ea,
quæ Ecclesiæ suæ legarunt, sub prætex-
tu Bona Diœcesis aut Episcopi augendi
invadat. Omnes Donationes ab Episco-
pis & Clericis factæ Ecclesiis valeant,
etiamsi omnes formulæ in Jure præscri-
ptæ non fuissent observatæ. Episcopi al-
ter alterius Bona non usurpent, multo
minus Sæculares Clericorum Bona sub
prætextu Defensionis, aut quod Regna
divisa sint, usurpent. Cum Francia jam
ex integro Sæculo in plura Regna fuisset
divisa, & nunc fortuna in unius Clota-
rii potestatem omnia contulisset, Concilii
Patres præteriti temporis abusus tollere,
& Bonorum Ecclesiasticorum conserva-
tioni prospicere voluerunt. Cavetur,
ne Judæis quocunque demum munere
publico inter Christianos fungi liceat, &
si tamen fecerint, Baptismi Gratiam ab
Episcopis illorum locorum, ubi fuerint,
cum tota sua familia accipient. Istud De-
cretum vel simplex comminatio est, vel
ita est accipiendum, quod Judæus Mu-
nus publicum in se suscipiens pro con-
verso

Sæculum VII
A.C. 614.

c. 7.

c. 8.

V. Coint. *ant.*
614. n. 28.

c. 15.

Sæculum VII verso habendus sit. Sisebutus Visigothorum Rex in Hispania anno sequente
 A. C. 614. 615. Regni sui quarto, Judæos omnes, illis exceptis, qui ad Francos transfugerunt, ad Fidem converti compulit. Concilio huic Parisiensi Episcopi septuaginta novem subscripserunt; unde dispicimus, inter illa, quæ hæctenus in Galliis celebrata legimus, fuisse frequentissimum.

V. Coimt. an.
 591. n. 13.
Sup. Lib.
 XXXV. n. 21.
App. ad Martii Chro.

Rex Clotarius edito Rescripto hos Canones observari jussit, additis tamen quibusdam conditionibus. Ad Canonem primum adjicit, Episcopum ab Episcopis Clericis & populo electum ex Mandato Principis esse ordinandum, & si ex Palatio fuerit assumptus, ob sola merita esse ordinandum. In hoc Rescripto plures Canones fusius explicantur; aliqua etiam statuuntur, quæ in ipsis Decretis Concilii non legimus, unde conijcere est, quod omnia non habeamus. Verum quidem est, quod statuta addita vix alia, quam negotia Sæcularia respiciant. In fine dicitur, hoc Rescriptum ex consilio Episcoporum, Optimatum, aliorumque virorum Regi fidorum in Synodo fuisse editum. Ceterum Parisiis 15. Cal. Nov. anno Regni ejus 31. id est, 18. Octob. anno 614. datum est. Hi Canones & adjectum Rescriptum in aliquo Concilio paulo post celebrato, cujus tempus & locus exacte non sciuntur, confirmata.

Tom. 5. Conc.
 p. 1655.

§. XV.